

آبونه شرائطی

ممالك عثمانیه سنه لکی (۶۵) ، الق
اولی (۳۵) غروشد .
ممالك اجنبیه سنه لکی (۱۷) ، الق
ایلی (۹) فرائقدر .

اداره خانه

باب عالی جاده سنده اورخان بك خاتمه
نومرو ۲۳-۲۶

اخطارات

آبونه بدلی پیشندر .

§

مسلكه موافق آثار مع المحتویه قبول
اولنور . درج ایدیلمه یں یازیلر
اعاده اولوعاز .

الدوره

سر ۱۳۳۰

دینی، علمی، ادبی، سیاسی خفلق مجموعه اسلامییه در

والله یهدی من یشاء الی صراط مستقیم

اتبعون اهدکم سبیل الرشاد

صاحب و مدیر مسئول : ح . اشرف ادیب

جلد ۲ - ۹

۲۱ شباط ۱۳۲۸

پنجشنبه

۲۸ ربیع الاول ۱۳۳۱

عدد ۵۲ - ۲۳۲

عیناً:

سبیل الرشاد مجموعه اسلامیه سنه

افندم ،

سبیل الرشاد مجموعه اسلامیه سنه ۵۱ نجی نسخه سنده کی «اعتراف» سرلوحه لی فقره یه نظر دقت کنی جلب ایدرم: تصویر افکار ده نشر اولان «شبهه کی فرانسه» عنوانی مقاله مک بعض پارچه لرینی ، - و قتیله سبیل الرشادی تعصبه اتهام ایدر کن شیمدی بوندن پشیمان اولمش ، غرب مدینتک چیر کینلک لرینی کورمکه باشلامش بر آدمک سوزی کی - نقل ایدیورسکر !
اولا ، حقایق دینی یی نشره سمی ایتکده اولدوغنی کوردیکم یکانه مسلمان مجموعه سی سبیل الرشادی تقدیر ایدنلردم ،

ثانیاً ، نه سبیل الرشاده تعصب اسناد ایتدیکمه دلالت ایدر ، نه ده غرب مدینتی مطلق صورتده تقلید طرفاداری اولدوغنی کوسترر هیچ برنشر یاتده بولونمادم . بن یالکز «تورکیا» نک دکل ، باشند باشه شرقک بر خصوصیتی اولدوغنه ، بناء علیه مدینتی کندی شخصیت معنویه سنه کوره تمثیل ایتسی ضروری بولندو . غنه ده قائلم . زمان مساعد اولورده ، بالخاصه مملکت حقه ده کی افکار می طویل بر صورتده کوسترکه موفق اولورسم بنده کی طرز تلقی دهاها زیاده کسب وضوح ایدر . بحث ایتدیکم فقره ده کی تلخیص ایلک نسخه ده تصحیح بیورلسی رجاسیله تقدیم سلام واحترام ایلرم افندم .

هاشم ناھید

سبیل الرشاد . - اوسوزلر مزله بر شخصیت معینه قصد اولونما مشدر . مملکتک منفعت ومضر تی یک کوزل تقدیر ایدن کنج محرر لر مزله بزم ده افتخار ایده جکمز طبیعی در .

تلفراف :

سبیل الرشاد جریده اسلامیه سنه

قنطره ، ۱۷ شباط . شام وجوهندن بعضیلری التماسیله اوچیوزیکرمی بشده شام تذیق قومیسینوی طرفندن قنطره مفتیلکنه تعیین ایدیلن ۳۰۳ تولدی قنطره لی بدرالدین افندی بگونه قدر هیچ بر مدرسده تحصیلی ، اجازتی اولدینی کی خصوصی تحصیلی ده یوقدر . حتی برکوی امای کی بر جمع نمازینی قیلدیرمه ، عربی العباده برسطری طوغری اوقومغه اقتداری اولدینی بتون ولایحه معلوم وضرب مثل حکمنه کچمشدر . بویله اجهل ناسک دیناً ، سیاسیة اهیقی درکار اولان قضا مقام فتوای مسلمینی اشغال ایتدیرلسی طوغریسی استنادگاه دیانتی اساسندن هدم ایتک دیمک اولدیفندن وذاتاً بکون چکدیکمز چله لر هپ دیانته عدم اعتنادن ایلرو کلدیکندن ، بو حالک دوامی قطعاً قبول ایده میز . عرض و بیانندن مستغنی اولدینی اوزره مقام فتوی ، مرجع امور دیاندر ، مأ کل جهلای زمان دکادر . هیچ بر زمان امور دینییه مزک ایاقده قالدیفنی کورمکه اعصابک تحلی اولدیفندن لطفاً مفتیلرک اصول وتعامل قدیمی دائره سنده اشراف و علمای محلیه نک انتخابیه تعیین ایدلسنه دائر مجلس وکلا قرار یله تعیم وسوریه ولایته جواباً داخله نظارتندن تبلیغ بیوریلان ۲۷ تشرین اول ۳۲۶ و ۷۰۷ نومرولی امرنامه موجبنجه امثالی مثللو قضا مضر مفتیلکنه علمادن ، مرشد کاملدن برینک انتخابیه تعیین ایتدیرلسی اسبابنک استکمالیه امور دینییه مزک ایاق التندن قورتارلسنی بز عموم قضا اهالیسی استرحام وطلب ایلرز فرمان .

وجوهندن بلدییه رئیس حاجی سلیمان ، وجوهندن : سلیمان ، عمر فوزی ، جمال الدین ، عبدالحید ، حاجی حسن ، احمد حمیدی ، یعقوب ، ارسلان عثمان ، عین زیوانلی حاجی یعقوب ، مرزوه احمد محمد ، محمد اسلام ، حاجی اسماعیل ، حسن ، حاجی صالح ، سعید ، منصوره دن ذکر یا ، عبدالقادر ، ادریس .

سبیل الرشاد جریده اسلامیه سی اداره سنه

قنطره ، ۱۸ شباط . - قنطره مفتیسی حقنده صدارته ، مشیخته ،

مغلوبته دوچار اوله جقیرینه وخصوصاً آرا لرنده دارالفنونلی آرقداشلریمز کبی عالی برملتک طبقات منوره سنه عائد افرادک بولوندیگی بر اردونک انهمزاه اوغرایه جقنه بزی کیمسه اقتاع ایده من .

«حوادث صحیحهدن اوله رق وطنداشلر یکردن وصیده دارالفنون رحله لرنده بزمه برابر بولنان احمد منیر ابراهیم افندیدن آلدیممز خبرلردن دارالفنونکوزک وطنکزی حمایه یولنده قانی فدا ایدن عثمانلیر ایچون خسته خایه افراغ اولوندیگی ، سزک ایسه میدان حربه قوشدیفنکزی آکلامشدق .

«بوفدا کارانه حرکاتکز سزک «مقدس وطن ، کله سنی نه قدر عمیق معناری ایله درک ایتدیککزی بزم اثبات ایتدی ، طوبراغی قانه یورلمش وطنمز «یاماتو» [۱] نک اوغلاری اولان بزلر دخی سزک وطنپرورلککز ، عاشقز ، قهرمان عثمانلی اردوسنک قهرمان اوغلاری ، هر نوع تبریکه شایانکسکز .

«مع التأسف بوصوک کونلرده کلن بعض خبرلر ، عثمانلی دارالفنون طلبه سندن میدان حربه کیدنلردن بر قسمنک اوراده شهید دوشدیکنی اشعار ایدیوردی . - شاب حق آنلرک روحنی شاد ایتسون . مع مافیہ بوندن سزک متأثر اولمایه جفکزه امیز ، زیرا سز وطن مقدسکزی حمایه ایچون هر آدیس یوزلرجه شهادی اسیرکه من برملتک اوغلاری . سکز . زیرا اعصابک زنده کی اصیل قان یینه اولونه قهرمانی آسیالی عثمان پاشا قانی در !

«ای دارالفنون اردوسی ، وطنی حربده حمایه ، صاحده نور عرفان ایله تنور ایتک کبی ایکی بیوک شرفی حائرسکز . سزه محبتمزی ، صمیمی احترامی اظهار ایله ، سزی جهاد کزده تبریک ایله افتخار ایلرز . جهاد ایدیکز ! جهاد ایدیکز ! چونکه سایه کزده بیوک برملت مسعود اولاجق ؛ طاغیری ، طاشلری تقدیر اوله من کوزل وطنکز مسعود اولاجق ؛ سزده کسب حریت ایده جکسکز . اسارت باشقه لرینه یاقیشیر !

«جهاد ایدیکز ! جهاد ایدیکز ! نامکزی سرحدلر کزده آلتونلرله یازوب دشمنه قارشو قویسونلر . جمله من قلباً سزکله برابرز . «مجاهد لک حامیسی جناب حق در ، جهاد ایدیکز ! «صمیمی محبت واحترام لریمزی تقدیم ایدرز قرداشلر !

وصیده دارالفنونلی نامه «یوزبرلر»

**

شو صمیمی مکتوبی یوز بر امضا ترین ایدیور . بتون اجانب بزی سهام بلاسی ایله ازرکن یالکز ژاپونیا دن بویله محبت آور بر مکتوبک غازی ومجاهد لریمزه ویره چکی قوت وروچی دوشوندکجه مسرتلره غرق اولیورم .
توکيو

احمد منیر

[۱] ژاپونیا نک قدیم واصل اسمی در .

سویلندیکی زمان صوک درجه قید سزلق اظهار اولندیغنی بیاندن ضبط نفس ایده م. لورد نیوتونک افاده سندن : « ۱۸۷۸ سنه سنده اسلام مهاجرلرینک دوچار اولدیغنی معاملاته شیمدیکیلرکده دوچار اولمه لرینه مساعده ایتک دول متدنه ایچون خیانت ، عار و خجالت ، شبن و آنکه تشکیل ایدر . »

شئون

دارالخلافه :

قرره خانه لرده لعیانک منعی تنبیه . — مصائب حریبه دن بوتون عثمانلیرک متأثر و متالم بولونقلری صیره ده اهلیدن بعضیلرینک قهوه خانه لرده لعیان ایله اشتغال ایتکده اولدقلرندن و بوحالک آداب دینه و تربیه ملیه مزه مخالف و بین الناس سوء تأثیری موجب اوله جنی درکار بولونمش اولدیغندن بالبحث منعی اسبابنه هان تشبث ایدلسی لزومی مقام مشیخت علیادن داخلیه نظارتنه اشعار فلتمشدر .

عراق :

نفاقره نوقی . — عراقدن بیرونده چیقان « الحقیقه » غزته سنه یازلدیغنه کوره بالقان محاربه سنده مسلمانلرک نه کی حاللره گرفتار اولدیغنی کورن ابن الرشید ایله ابن السعود آرتق بوندن صوکره اتحاد و اتفاقه لزوم کوره رک هرایی طرفه عائد قبائلک نزدینه نصایح اتفاقجویانه ده بولمقی اوزره متعدد هیئتلر کوندر مشلدر .

مصر :

میسونرلر افسارلی . — صوک کلن مصر غزته لرنده اوقوندیغنه کوره میسیونرلر مصرده ، اهالی اسلامیه ک غلیانی موجب اوله حق صورتده نشر یاتده بولمغه ، روپاغاندرلر یامغه باشلامشدر . بوحال ، مصر اسلام معتبرانجه کمال اهمیتله نظر دفته آلتمش و مرجعنکده نظر دقتی جلب ایلک اوزره لازم کلن وسائط و تدابیره مراجعت اولتمشدر .

روسیه :

عثمانی مجرمین ، اعزاء قوم بیرونه عزم مساعده . — شمالی روسیه ولایاتندن اولان اورنبورغ تاجرلرندن برهیئت ، روسیه داخلیه نظارتنه مراجعت ایدره ک عثمانی غزات مجروحینی ایچون بین الاهالی اعانه درجنه مساعده اولماسنی طلب واسترحام ایله مشلدر . داخلیه نظارتی بومراجعتدن انحق برآی صکره ویردیکی جوابده : روسیه داخلنده کی عثمانی قوه ولا . تولىنک ، عثمانی هلال احمری نامنه اعانه درج ایله ملرینه مساعه بولندیغندن دینداشلرینه معاونت ایتک ایسته یلرک اعانه لرینی قونسولاتوره تودیع اید . بیله جکلرینی ، آیریجه اعانه قومیسونلری تشکیلانه لزوم اولدیغنی بیان ایتشدر . روسیه نك اسلاملره مسکون ولایات ممالکینک قسم اعظمی ایله اورنبورغده عثمانی قونسولوسخانه سی بولمادیغنی نظر اعتباره آنلیرسه شو جوابک نازکانه بررددن باشقه برشی اولادیغنی اظهار ایدر . ذاتاً روسیه دوستمزدن باشقه شی بکلنمزدی .

صرا تعطیل . — روس دوماسی ایکی سنه اول ، بوتون روسیه مسلمانلرینک پروتستولرینه رغماً بازار کولری ، بلا تفریق دین و مذهب عموم روسیه لیلرک دکانلری قیامق مجبوریتنده بولندقلرینه دائر بر قانون نشر اتمش ایدی . روسیه مسلمانلری ، اوزماندن بری هر وسیله دن بالاستفاده قانون مذکورى بالفعلده پروتستو ایتکدن خالی قالیورلر . بوجهلندن اولارق قزان مسلمانلری کچلرده بازار کونی دکانلری ممنوعیت قانونیه رغماً ، آچمشدر . بونک اوزرینه قزان ضابطه سی بومسلمانلر علیبنده بر راپور تنظیم ایله مشدر . قفقاسیه ده منتشر تورکجه رفقاهزده مطالعه اولندیغنه کوره دکانلرینی بازار کولری ، خلاف قانون اولارق قسامامده اصرار ایدن مسلمانلر تحت محاکمه یه الیه جقلدر .

داخلیه برصورتی ده اداره کزه یازدیغمز مضبوطه تلغرافیه مزک علی الامضا عینا جریده کزه درجنی حیت دینه کزدن رجا ایلرز .

عبدالحمید یعقوب عمر فوزی

سبیل الرشاد . — مسئله نك اهمیت درکاردر . مفتیلرک ، وظائف رسمیه دن باشقه عینی زمانده بوزواللی ملنک امین و درایتلی رهبرلری اولسی ایجاب ایدر . مرجعنک شوشکاتی کمال هیئتله نظر دفته آله رق اجرای تحقیقاتده بولونه جفتی امید ایدرز .

فَطْبُوءُ بِلَادٍ

بالقان مظالمی مسئله سی

انکلتزه پارلمنتوسنده

بالقانلرده اجرا قلنان وحشت و مظالم کرک لوردلر قاره سنده و کرک عوام قاره سنده دور و دراز موضوع بحث اولمش بو باده وقوع بولان واستیضاحلره حکومت نامنه ایضاحات ویرلشدر . بواسطیضاح و ایضاحاتدن شایان دقت بعض فقره لک نقلی موافق کورلشدر .

لورد لامینغتونک افاده سندن : — ... ترکیایه هیچ ده طرفدار اولیان غزته لرندن بری برچوق محملرده هیچ کیمسه نك برحیات برافلمدیغنی روایتلرینک منابع مختلفه دن تأیید اولندیغنی یازمشدر . درسعادت خسته خانه لرندن برنده ایفای خدمت ایدن برقادین شویله یازیور :

حوالی داخلیه ده اجرا قلنان غصب و غارت ، شناعت و جنایتلره دائر اولان توپلری اوربریتی حکایات هپ صحیحدر . برعائله اعضاسندن بر قاچ کشی فراره موفق ایدلرکی حالده دیکرلری روملرک و بلغارلرک نیجه ظلمنه قربان دوشمشدر . متفقلر طرفندن کنندی دینداشلری نامنه اجرا قلندیغنی ادعا اولنان بومحاربه ضبط اراضی و اراضیده ساکن اولانلرک احای وجودی مقصدیله اجرا اولندیغنی صورت جریان حربدن آکلاشلشدر . بناء علیه حقیقت حالک معلوم اولسی ایچون حکومت طرفندن قونسولوس راپورلرینک نشر ایدلسی آرزو اولنور . بن بو وقایع وحشتکارانه نك هندسته نده کی اسلاملر اوزرینه اجرا ایده جکی تأثیری نظر دفته آله رق مسئله بی موضوع بحث ایدیورم . تأسف ایدرم که بزم رجال حکومت طرفندن شو قره کونلرنده ترکیایه قارشی هیچ برحسن توجه اظهار ایدله مشدر .

حکومت نامنه جواب ویرن ویقوت مورلی نك افاده سندن : — ... مشهوداته مستند اولیان روایت تحقیقاته لایق اوله بیاور ایسه ده محترم لوردک بو باده شدله بیان افکار ایتسی طرزنده کی حرکتی معذور کوستره مز .

مظالم مسئله سنده هندستان اهالی اسلامیه سنک انکلتزه یه قید سزلق اسناد ایتدکاری ماده سنه کلنجه انکلتزه حکومتی هندستان اهالی اهلامیه سنک طرابلس محاربه سنی ، فاس ایشلرینی و بالقان محاربه سنی کنندی دینداشلرینه تعلقی جهتیله پک بیوک بر دقت و مراقی و اهمیت مخصوصه ایله تعقیب ایتکده اولدقلرینی پک اعلا بیاور بوندن طولای بالطبع هیچ بر شکایتده بولنه ماز .

لورد قرومرک افاده سندن : — حربک نتیجه سی هر نه اولورسه اولسون قورقارم که ما کدوניה مسئله سی حل اولنیوب دائماً بزی اشغال ایده جکدر . اداره عثمانیه نهایت ویریلن یرلرده بوقتل عاملرکده نهایت بولمش اوله جنی امید اولنیور ایدی . فقط حال بر عکس اولمشدر . ترقی و انسانیت دعواسنی خرسیتیانلق دعواسیله بر طومق ایستیلرک امیدلری ! بتون بوشه چیقمشدر . بن بو مسئله ده انکلتزه حکومتی قید سزلقله اتهام ایتک ایسته م ، لکن مملکت مزک بعض صنفلری آره سنده خرسیتیانلرک اسلاملر طرفندن قتل عام ایدلرکی موضوع بحث اولدیغنی زمان صوک درجه آثار افعال ابراز اولندیغنی حالده خرسیتیانلرک اسلاملری قتل عام ایتدکاری